

Lëtzebuerg, de 7. Juni 2023

Här Fernand ETGEN
Chamberspräsident
LËTZEBUERG



DEMOKRATESCH
PARTEI

Chambre des Députés
Groupe Parlementaire

Här President,

Esou ewéi den Artikel 80 vum Chambersreglement et virgesäit, bieten ech Iech, dës parlamentaresch Fro un den Här Minister fir Landwirtschaft, Wäibau a ländlech Entwécklung an den Här Wirtschaftsminister weiderzeleeden:

„Déi inflationär Tendenzen aus de leschte Joren hunn dozou gefouert, datt etlech Leit, trotz e sëllege finanziellen Hëllef vum Staat, sech hu missen aschränken an op verschidde Wueren entweder ganz verzichten oder hire Konsum aschränken. Och d'Bauern an d'Gärtner aus der Biolandwirtschaft schéngen net verschount vun dëser Evolutioun ze bleiwen.

An deem Kontext wollt ech dem Här Landwirtschaftsminister an dem Här Wirtschaftsminister folgend Froe stellen:

- 1. A wat fir engem Mooss féiert d'Hausse vun de Produkter vu Biowueren zu enger Reduzéierung vun der Consumatioun? Gëtt et do schonn éischt statistesch Erkenntnisser?*
- 2. Wat fir ee Feedback kritt den Här Landwirtschaftsminister aus der Branche vun de Biobauern, déi vun hirem Haff aus Flesch, Mëllech, Geméis an aner Wuere verkafen?*
- 3. Wat fir eng Wueren am Bioberäich goufen am stäerkste vun der Präishausse getraff? Wéi presentéiert sech d'Entwécklung vum Präis vun der Biomëllech, dem Bioflesch an de Bioeër an de leschte Méint?*
- 4. Hunn eventuell misse Mataarbechter aus Biobetriber entloosginn?“*

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu

Mat déiwem Respekt,

A handwritten signature in blue ink, appearing to read 'Bauler', with a stylized initial 'B' and a long horizontal stroke extending to the right.

André Bauler
Deputéierten



Gemeinsam Äntwert vum Minister fir Landwirtschaft, Wäibau a ländlech Entwécklung an vum Wirtschaftsminister op d'parlamentaresch Fro n°8079 vum 7.Juni 2023 vun dem éierewäerten Deputéierten Här André Bauler iwwert "Conséquences de l'inflation"

1. A wat fir engem Mooss féiert d'Hausse vun de Produkter vu Biowueren zu enger Reduzéierung vun der Consommatioun? Gëtt et do schonn éischt statistesch Erkenntnisser?

All Joer mécht de STATEC seng Etude iwwer d'Ausgabe vun de Stéit. Bei Liewensmëttel a Gedrénks ass dobäi erauskomm, datt den Undeel vu biologesche Produiten 2022 em 8% zeréck gaangen ass, iwwerdeems et di Jore virdrun nach e Plus vu ronn 10% waren. Di Baisse zejoert kann eng Konsequenz sinn op d'Präisdeierecht. Déi Tendenz muss sech awer nach di nächst Jore confirméieren.

2. Wat fir ee Feedback kritt den Här Landwirtschaftsminister aus der Branche vun de Biobauern, déi vun hirem Haff aus Fleesch, Mëllech, Geméis an aner Wuere verkafen?

Grundsätzlech ass d'Haffvermaartung direkt un de Konsument bei bal allen Baueren (konv. an Bio) zeréck gaangen. Et ass awer generell net ënnert den Niveau vu virun der Inflatoun

3. Wat fir eng Wuere am Bioberäich goufen am stäerkste vun der Präishausse getraff? Wéi presentéiert sech d'Entwécklung vum Präis vun der Biomëllech, dem Biofleesch an de Bioeër an de leschte Méint?

Generell bei all de Bioliewensmëttel, oft awer net onbedéngt an deem Mooss wéi d'Hausse bei de konv. Liewensmëttel. Beim Biofleesch zu Lëtzebuerg hunn d'Produzenten hire Verkafspräis net erhéicht un den Handel.

4. Hunn eventuell misse Mataarbechter aus Biobetriber entlooss ginn?"

Nee, laut eise verfügbaren Informatiounen huet de Bioprimärsektor keng Mataarbechter entlooss.

Lëtzebuerg, den 7. Juli 2023

De Minister fir Landwirtschaft, Wäibau a ländlech Entwécklung
(s.) Claude Haagen